

近代中國史料叢刊第四輯

沈雲龍主編

世載堂詩稿

劉成禺著

文海出版社印行

世載堂詩題辭

禹生先生所著述甚富惜未嘗一一觀之談者云此公
儒行俠行老以詩鳴詩儒耶詩俠耶余曰集經散原論
定皆方流圓折儒可也俠可也非儒非俠亦可也記往
年題散原詩落句云所欠人間惟一死信陵君與屈靈
均散原見詰君從何處見之余曰公詩灼然可證散原
喜曰信有理今世載堂詩不亂法不犯禁計聞儒俠之
論亦將曰信有理 趙熙

--	--	--	--	--	--	--	--	--	--	--	--	--	--	--	--	--	--	--	--

Mc...

世載堂詩待刪稿

陳散原先生圈點批改

武昌劉成禺學生學

五律一百六十七首

山月

山月招松未閑忘靜夜琴白雲親石氣黃葉得秋心卽
境且無我真機將在林霜鐘警遙寺空曳女蘿音

一氣歸明月長天夜色無林開邀水白山折讓峯孤涼

露方薄石繁星待壓湖清光今夕重境意卽仙都

深夜清輝大森嚴月在山諸峯寂不動河漢有微湍低

魄哉生暗孤雲自得閑悠然空影下默趣滿松關

世載堂詩待刪稿

一一

親石氣原
爲知水意

懷仲策

送長綬卿歸國

次韻酬蛻庵見寄（附原作）

既雨

偶成

幼達同年任神戶領事僅數月受代去賦此送之

欲雪

臘不盡二日遣懷

其夜大風雨不寐達旦重有感

題藝衡館日記第一編庚戌除夕前一日

歲暮感懷

荷廣除夕牙痛作詩調之

辛亥元旦

二日雨三日陰霾

臘八小飲

奉懷南海先生星加坡兼敦促東渡

約數黃菊因之將翠苔舉杯集鴻雁烟夢達微哀

望三疊泉

倒垂三白練一氣下雲根斬壁騰空上懸流插石奔陰
陽開雨闕烟霧幻重門天醉張秋錦山神不敢捫

沿溪溯水源登大月山

尺半桃花水南峯初發源暗流移柳澗春漲畫柴門潭
暖神龍靜山深睡虎尊斜陽雲氣外歸路識泉痕

小三疊泉

山路懸陰雨崖橋湧疊泉石迴青噴雪樹倒白垂烟斜
壁一千尺荒庵二百年臥窗窮瀑尾楓竹隱前川

世載堂詩待刪稿

晚秋山夜

木落秋山晚前溪何夜號石屏飄錦綉峯骨隱弓刀霜
挾星痕白月撐夜氣高明朝稅江路峴口卻重袍
晨飯大林寺酒家

懷曉臨荒寺耆松翠萬行早鷄烹酒市朝董吝僧房羹
炙招僮獻醪溫壓客嘗于髯美鯉肺忽憶石家湯
由蘆溪往黃龍寺

霜葉紅無數溪流曲幾灣橋多思問寺徑轉欲迴山樹
古出峯角雲閑歸水間幽行貪暝色法鼓報禪關

溪室

夏木靄盈室陰陰溪路遙住山宜近水截澗忽橫橋穿
石松中立歸林鳥一招解尊幽獨意方信夢漁樵

山園卽事

山間繁草木幽臥好林園雲幔迎河轉秋螢帶雨翻面
樓賓晚景接屋眷泉源隨意招鄰叟牽蘿語隔垣

山中秋寒

積雨雜猿嘯空山叫雁羣涼秋深九月老屋苦層雲堦
牖帷雙折裝綿背夾分回龍一樽酒冷友待論文
訪友下林寺知隱塵遠遊

訪舊赤鹽館懷僧青豆房江山成獨往風雨渺予傷野

世載堂詩待刪稿

水入初去高臺鳳未翔博徒今賣餅誰下接輿狂

溪釣

溪上亦濠濮山居何古真行歌和息誦垂釣正心身期
友來谷口依予坐石唇偶攀塵下理視聽失修鱗

與吳浸陽琴師溪堂夜坐

疎雨過高閣微風生暮涼幽人愛清夜之子理新商對
酒看杯滿談詩進燭長濕雲如有待吐月赴虛堂

萬松林

靄靄萬松林蕭齋大壑陰風生雲捲蓋月落夜橫琴
東澗看西澗山心雜水心濤聲來屋上龍虎動高吟

潭石

俯數溪潭石清寒入寸心方知塵外物都有水中音天
地此微質千年堅且深幽蘭一垂影趣理解相尋

訪漠艇雲中寺

吾子耽林壑攤書坐梵宮文章身後壽學養事前功鷄
犬雲中侶牛羊塞上風十年僧退院船馬笑飛蓬

夜坐黃龍禪堂

羣務禪中息虛堂夜想深趣歸忘自籟寂盡入微吟皓
月生眞悟閑雲養靜心吾身一杉影鐘磬不聞音

聞陳仁先在蘆屏溪館

世載堂詩待刪稿

荒館客仍在吾溪花欲春登臨歸此老風雨待孤臣舊
世生無淚新聲寄闕眞萬松排嶺直高眼領詩人

大雷雨喜謝叔野由潯夜至

雷雨飄燈夜詩人亦叩關江風顛斷渡浦氣暗沉山待
竹僕云暮移松僧未還鷄鳴瘳晦夕薄酒不須刪

與子論風義交情最久深澄清千載事江海百年心魚
鳥窺奇變蛟龍畏賞音有亭修野史垂老在山林

清夜行溪口遇湯頗公

高秋淨雲霧清氣一山專况遇知林侶來兼聽水緣其
人行白露無我見青天子亦當明月襟風意灑然

老母嗟行役還山開笑懷留春花得徑語客竹修齋親
吉行無賤朋從道未乖兩家南北澗佳氣望松槐

俄舊重臣隱蘆林釀酒與鶴亭過訪

遺臣酤法酒百合滿花田云釀吾山水愁看爾國天移
尊傾兩客借屋住二年往事一揮手松間多醉眠

由合鄒嶺登五老峯

老人南面立高曠見匡君野壑低蒼樹春湖滿白雲守

松崖蝠大走石嶺龍分長嘯風吹去人間那得聞

月夜望五老峯輕烟淡霧形態絕異

五峯舊顏老今夕比華年滿月施員面行雲笑獨眠女

兒朝暮雨仙侶淡輕烟翠點鬚眉古風流識晉賢

高臥

高臥蘆屏客幽閑守一宮夜肥卷耳雨春細畫眉風霞
甸黃千畝陰巖綠幾重山僮遲汲水報月隱橋東

寬春簡吳藹靈

山客私花柳循溪折短牆扶桃風過樹縛竹月盈廊室
靜禽窺畫蹊幽犬臥香春魂清似酒寬酌待君嘗

山中春事

春去二一旬半鶯花二月強落燈山雨細着袖水雲香龍
爪櫻深絳鶴荆棘硬黃新晴沙路淨扶蝶走鄰牆

幽村

山行無遠近春事過幽村柳絮風生岸桃花水到門點
茶新竹內看屐半松根靜守長年日光陰可細論

山家

誅茅三兩屋籠壁柳千條斜徑接深徑一橋多一橋婦
賢同採藥兒長學爲樵新舊山中曆逢人問幾朝

入山遇謝叔野

少年千萬里老境兩三人江海同爲客湖山獨對春岸
巾花狎鬢著句酒濡唇談笑清無比翻然隱此身

秋至

世載堂詩待刪稿一

松老長吟苦，侵秋助客哀。
雲騎鴉背下，霜押雁聲來。
晚令飄書帙，空山止酒杯。
我家江漢水，愁日冷黃埃。
山齋看女兒城。

秀木青開嶂，窗中出廢城。
雲胎包雨氣，山脈動泉聲。
夕射金樓轉，秋薰錦草生。
朝朝看不厭，蘊藉女兒情。
秋風起山居，驟寒。

剪破二三崖，霧飛增八月寒。
青林禽色動，黃葉蠹痕殘。
頂閣秋驚老，邊溪水渡難。
風雲一邱足，魂夢四山寬。
憶鶴亭獨遊山南，值風雨霧大至。

獨客雨中去，言遊山外山。
風翻昏白晝，霧暝杳蒼顏。
叢

囊裏殘原
爲酒聲乾

篠龍蛇影深巖虎豹斑峯南何寺宿兩脚恨晴慳

蓮花庵

仙女乘蓮去庵花化錦晴樵音猿鶴怨神雨鳳鸞行綠
霧抽空竹朱風裊繡櫻芙蓉青滿院溪殿學環聲

贈李葆初題其詩卷

短雋吾州李京曹早歲名吳王高畫格白陸重詩評久

覺友朋敬親如兄弟情匡山老居士鸞鶴寄羣聲

散原老人評若

詩體似
白陸

壽冒鶴亭庚申二月十五日六十生辰

五十觀京邑今春六十強使君胎大壽公子屬諸郎綉

世載堂詩待刪稿一

相桃連蒂裝詩鶴養糧南江尊老學漸看耳毛長

晚歸

峯峯雲外去山客晚來歸路俯秋原下人隨暮鳥飛石

流新月細林卷野烟微倦倚村籬坐吾廬未掩扉

遊撥雲寺

廢徑少人迹山花秋氣濃肥僧嬉陋寺病鶴舞華松樹

老天猶雨樓危午未鐘何年樓醉客滿壁畫蛟龍

宿寺

溪遠山藏寺僧寮秀徑通小吟分夜味清坐雜禪風伐

石蛇鱗碎添燈佛氣紅月來三兩竹妙悟上心胸

林卷原為
樹露

蛇鱗碎原
為龍聲破

大天池寺

一寺懸蒼壑，三方削翠微。
蛟龍殷地發，虎豹送僧歸。
指塔雪松落，明燈秋葉飛。
方池天上水，佛養聖魚肥。

還家

逃夏山居久，歸來鞠有華。
叩門僮入定，留屋犬爲家。
荷亂穿菱刺，藤繁冒樹花。
支牀當壁臥，清夢老烟霞。

春夜宴陳雪佳園林外友
犬養毅頭山滿尾崎行昌皆

漫遊蒞會

竹徑逶迤入花房，窈窕開春風。
一杯酒樹樹亂鶯來，仙月飛珠斗名詩。
酌玉臺醉狂無主客，園鳥見多回。

世載堂詩待刪稿一

海客乘風至林園忘市居官花融廣路文柳拂長渠番
鼓賓風重科樽禮遇殊半生江戶友藉草食鱸魚

憶吳董卿亂歸揚州

所傳無一字不似晉人書投筆之他郡移家有舊居綠
楊春繭犢素水夜烹魚多難揚州客飢吟老不如

喜汪書城朝抵金陵

船到曉鐘落蘆花江上潮有朋來遠道其兩喜崇朝指
菊吳娘橫吹蘭楚客簫清聲雛鳳引歌度水西橋

陳梅生文寄細楷詞卷久未奉答北來人談八十老翁
強健猶昔豪啖長飲生子弗衰卽簡問起居

風月有清
美原爲境
物宜瀟灑

湖湘傾此老八十一強翁久別將能事多年得信通未
裝春寄蘭不盡北來鴻細楷親詞卷馳思白下東

西湖小住

到處逢名水此湖人意寬山圍船氣重橋度柳心寒風
月有清美烟波易宴安唐賢初打扮搖碧向歌彈

冬學

短燈檠不棄冬學比兒時老去村居士貧爲祭酒師借
書醫懶疾彈竹引新詩妙解足文史窗橫梅幾枝

黃季剛長過山齋

客歸朝問酒不弄草堂琴疎露涼花瓣清風響竹林疏

世載堂詩待刪稿

松在士民
 苦以國考
 改令人與心
 聖國入補之
 愷夫有之
 志美
 抄抄抄抄
 抄抄抄抄
 抄抄抄抄
 抄抄抄抄

十比一人犯科十人坐知而不許法同抵福不道於
 東源新帶蘇蘇空知教知知知知知知知知知知
 其塞和和和和和和和和和和和和和和和和和和
 學德拜彼名取清象靴服驅使同政講武皆有禁心
 畏學離生不爾居恒凜烈作動進或六奧味市粗
 吁美傑民不可說者日端行刺棘裏為鬼為賊遊
 一呼生呼馬應俱唯長笛狂齋彼何人海枯石爛今
 如此我國惜惜不終相對瀉淚如金如木炭
 且英些君看天杜行前紀牙遺久視誰敢期美方同
 忠君先身狀頑真子已為奴夏胤淳維漢不祀以今

山樓討春

顰笑春雲雜歌呼醉鳥邀山光排作樹花氣長如潮客
健多肩杖僧閑不過橋溪魂生栩栩棋酒勝樓腰

春盡

人閑山更靜春盡況無詩整榻雲留座開門花落池好
峯橫看醜怪樹遠能姿隱几蒼檐下南榮風過時

喜青松上人重建宿雲廢菴

殘僧經上血染寫廢菴金繚以龍歸嶺清于鶴在陰塔

迴中野勢鐘蕩一溪音澗底古梅發無言禪意深

鐘蕩亦作佛悅

過小天池

世載堂詩待刪稿

清晨池口望高谷有居人湖水青無岸山雲白是春映
花樓閣媚帶竹石泉新茶屋炊烟下空林落綠塵

黃龍寺門三古樹

寺門盤古木高與玉峯齊二樹一銀杏一杉千菩提晉
唐摩碯面雷雨走潭西云布南無種龍禽午夜啼

贈林少和作郡淮安

把劍秋風起征心九陌寬籬花支馬慢檐鳥語人安作
郡宵催簿移裝早進餐江南紅葉好欲贈一枝難

淮南秋樹晚知汝政庭閑騰鏡心中水藏胸畫外山祿
微妻子聚縣僻友朋艱江海潮初落能謀一日還

會通一戀湘麗未歸自題四絕甚佳詩以紀之

欲去小還住湘臺嬌念奴淺風春館馬低月夜啼烏紅
袖綠絲格青氈金墨壺風流好詩筆佯醉寫黃墟

寄吳鏡予養病常州故鄉

作者子劉子西南諒得朋詩動參昨日友法畏平生扶

老書多祿移鄉病作城三吳君出手寧復要時名畏亦作味

春月滿窗藤花盛開與濮伯欣夜坐

紛紛涼月白藤氣一窗春幾架江離屋三二更夜坐人多

花朋語細無夢蝶來真移燭清搖影垂垂掛錦裯

雨餘

世載堂詩待刪稿

雨餘峯洗盡點杖石能迎山路平無力溪流曲則鳴野
僧邀犢影林鳥赴蛙聲一綠新詩意春風詠汝行

泊舟京口

北顧山橫斷南朝水晏流一年霜兩鬢長夜雨孤舟潮
起帆聲落江寒磬意收金焦點斜照層出幾多樓

山寒花草感發

花草天公意山寒不肯遲美風生綠髮嫩雨濕紅脂案
屐裙前酒巡檐盒會詩閉門三五日不覺冶春時

出山夜宴別彥和藹林兩兄

綠影明秋月山深夜放晴松風吹袂舉竹露滴琴鳴酒

散花紛落雲攜客遠行堅期重九會不用惜離情

潯江霞起遙見匡山老屋

江上飛霞落匡峯倚晚晴詩情秋水靜野色夕山明疏
蓼漁臨畫涼鐘雁接聲崖居林表現客未去蕪城

月夜步黃龍寺觀青松上人補行法事

月上溪南寺幽峯入戶登尋山矜秉燭過夏補傳燈香
霧彌天釋禪花出世僧寶松蟠夜氣幻影塔層層

長夏歸萬壑亭山如早春

滿樹流鶯到春歸萬壑亭溪光搖野潤山氣愛人醒芳
月能深白烟嵐不動青下方風信了來賦醉花銘

行蘆林小徑達萬松嶺散老寓樓

徑行三里款路減二程迂帶閣橫千仞藏松過萬株扶

魂僧隔世

散老云見老僧入室而生
彥和誰知其竟無僧味

守闕虎窺途一老吟天外

匡君山不孤

聞散原老人購得萬松嶺老屋人事吉祥卽呈二律

買臥匡君宅高風松竹寒皇天留一老詩國領千官江

海雲迴嶺星辰夜落欄我家春調事長者在山安

人古山亦古天南八十翁鶴痕巢夢冷虎氣石顏通姪

菊親雲內僧松雜靜中屏樓慈母語教學老人風

辛未寒食日展杜茶村先生墓同蒞者浙江胡小石光

巢夢冷原
爲湖意遠

如皋冒鶴亭 廣生 山東丁鼎臣 惟汾 廣東陳惠農

汝霖 常州吳鏡予及其長男孝感李葆初 啓琛 蘄州黃

季剛 侃 及其子姪四人武昌劉禹生 成禹 鶴亭約人

賦二律

人間誰是鳳夫子得飢時 楚書舊有聞吳駸公應詔入都却寄茶村詩云人間誰是江南風窮到飢時不得飢

老作江南客身無楚國詩 變雅堂集中無楚鄂題詠詩 舊居沙口堰 茶村生黃岡之

沙口今故宅及沙口遺墟尚存 遺像大倉祠 基在太平門外大倉山江寧知府黃岡王鹿峯筆華於墓側建小祠壁刻遺像 古

墓梅花下 墓在梅花村尚有梅本百餘本 堂堂讀故碑 墓前樹碑五中碑最高為方望溪手立中書詩人杜茶村

先生之墓九大字附年月日記事一篇餘碑四皆書樹碑人姓名

舊京生死地江漢一詩人胡去聲非變 曹赤霞贈于皇有鳳老樓吳士胡來變楚聲句

梅多骨不貧食碑二百口

守墓者為黃劉二姓現有人口近三百
云三百年來世守墓碑食先生之德 醉

酒十餘巡古度宅南畝

林古度墓在梅花村南壟尚未尋得

知談水繪春

寒食日展茶村先生墓人賦一律事意未盡再簡鶴亭

寒食春多事東風逐北門問碑添雅史

問梅花村無知者後得之五塊碑地名過鐵軌

始達墓道 薦精到荒村

當日攜鄂中錫精為祭品

今侶梅花襖

展墓畢聚飲聚寶門外洪武年密遺之馬祥與

酒樓定此會為梅花襖

前民芳草魂鳳開飢口笑老友見詩孫

辛未二月遊唐家灣港市宿共樂園談飲二日別呈少

川老人

獨樂嗟君實重開綠野堂山園越仕女海縣領家鄉霖

雨桑麻事

老人荷鋤種植

尊彝俎豆香

老人祖祠祭器列古尊彝甚多

相公憂國念割

肉未能忘

此國唐風古居民不閉扉慈雲仁孝墅

唐家灣祖祠數十每祠費巨萬雕鏤冠絕全粵

老人自建望雲別墅廣對慈雲朝夕蒞止

清水讓廉園

形家論唐家灣左園廉泉右園讓水廉讓之間必生賢者

秀士歸

春詠都人化布衣

全市尚著布

連村同好客魚蚌上灣肥

信宿栖西閣臨園好邑亭喬松春養阜疎柳夜觀星日

出崖門紫潮來嶼點青坐看皆相業閑說灌花經

短褐攜長杖會隨秀野行竹雲分路去蘭氣隔簾生世

故言為史兒童禮不爭弦歌濱海長風度見南征

點罷論茶夜留人大隱山蛋風沙網遠環月海珠還

內

東西兩港日東環西環

舶市談前島

英人海舶東來初據唐家灣前大島互市後發見香港遂棄之老人談該島歷史甚詳所謂英法東

世載堂詩待刪稿

來停泊第一地也

松衙指故關是亭傳八柱

山頂二十年前建八柱亭垂示後人自謀建樹

十畝

子孫閒

大國羣兒戲興衰定一言如何天下老安住海邊園樹
古能迴路花繁不繚垣奉遊三日醉頤壽敬銘軒
溪樓月落寬靜上人夜至

長薄山圍寂清樓水映開停雲陪鳥睡落月換僧來不
寐風高樹多行露野苔殷勤樵唱近燈火送君回

白下贈馮自由

百年多古意萬里共遊心落落溝中斷茫茫海上音黃
金麟筆盡赤雅鳳琴惜忍對秦淮月秋風桂樹林

贈楊滄白

耆望黃初重，妻孥白下還。
魚龍巡渤海，風雨讓巴山。
舊淚詩人老，邊籌國士艱。
同嗟炎瘴客，握手鬢毛斑。

阮由五來滬卽過船遊蘇

浮屋青簾舫，吟裝白玉缸。
人來攜楚雨，雨過去吳江。
涉水鹽當步，招舟客改腔。
蘇娘吹鬢影，柔櫓兩三雙。

漢陽送友人

嫩草和冰綠，方洲早水生。
春風初有意，君去漢陽城。
少病天寬客，無心月待行。
薄遊隨住住，何惜寄離聲。

樓居望鶴亭去山早行

世載堂詩待刪稿一

曉雁將人去，秋寒石上生。
黃花千里客，紅樹萬山晴。
絕壑知鞭語，疏林露帽行。
高齋望長路，輿擔幾回更。

爲姜玉笙題其嫂吳夫人節表二首

青春難苦節，白髮況無兒。
大任天將降，名門國所師。
誰期今世見，此義古人知。
禮教橫流府，能頌乞救辭。

宗節南州姬，孤梵漏屋中。
志嚴身更否，世轉道何窮。
竹

淚一江水，松筠三戶風。
國民政府頒授
節表千古匾額吾家多節母，表頌此

心同

贈蕭林李隱君一平

九寄青不了，深處唯逢君。
一徑春苔綠，精廬在白雲。
裏

琴侵石潤籠竹會泉分茅屋東溪月書聲片夜聞
九日登豁蒙樓分韻得還字

樓殿秋風客溪園笑未還幾洲名寺水十里古城山
犀豁襟前度登臨近難關南朝多少話插菊不能閑

哭季剛

歎絕經家學誰精選理辭斯人真有命舉國更無師都
講言名世搜殘稿付兒漢江歸葬好老友哭新碑

歸武昌不見南樓

胡床風月夜不見有樓臺老子復清興江山少霸才漢
南珠弄柳城上笛吹梅多難四方客乘流去又回

世載堂詩待刪稿

送梁君默先還白下

分手溪風遠先予都下行遲遲山疊疊默默水盈盈黃

鳥哀南國青蛇出上京新亭古人淚秋氣石頭城

謝无量母唐太夫人輓詞

佛母西方去雲菴結上乘母住上乘菴詩書遺哲子接引奉兒

僧仲子入印度為僧玉柱溫垂鉢金蟬偈轉燈憂勤登上壽榮痛

感飛昇

萬里峨嵋路潮音海月生絳帷尊世德丹旒化佳城義

列通家子儀參至母行諸天魔色相甘露一瓶傾

傅太封翁輓詞

上壽登鄉傳遺言美里仁同揮猶子淚罷頌武昌春濁
世多家難江城幾老人典型留世父泉舍告吾親
白下傳丹旆金臺想素樓家門君萬石江漢日長流宿
德鄉賢祀豐碑故里修九原耆舊淚羣季痛何求

贈汪屺南

桃花潭水上有美見汪倫折雨沈沈酌懷詩隊隊春流
離宮作稼隔側若留賓圍寫烏絲醉山樓一畫身

贈彭醇士

相約藏何處江湖若箇邊碧山開屋裏淥斐把春先國
事深堪說家人遠共憐嶺居南北脚不恤一與肩

世載堂詩待刪稿

贈張善子

虎頭張虎聖豢虎畫其神虎死無皮相虛堂虎氣眞劍
髯騰霧雨船筆貫星辰識面巫峯女乘風嘯至人

贈曹纓衡

辭賦開南國論文爾我問所生當蜀楚相見只江山話
夜巴窗雨傷春澣野關巫峯立神女迎客寄風鬟

贈吳鏡予時喪第三子

破家之遠國哭子沉途窮苦說江南月難禁蜀道風且
從何水部莫作鄭司農風義能兄弟西來馬亦同

答陳仲恂毓華寄韻

排峽無家子流春竟有詩萬方傷客意一榻味君知魚
腹無諸葛麟經始仲尼六朝僧絕豔荷葉念雙期

原韻

陳毓華

劉侯胸萬有勝處不緣詩若索名言外其詩更可知
百編尊習齒一榻滯王尼孰挽橫流正匡山結素期
謝唐企林肯贈畫並送滇行

久聽巴渝曲唐衢淚數升金台留篋筆銀海惜擔簦天
下無山水平生幾友朋嗟予難別意頭白亂爲僧

一杖

一杖爲身豎闔門計悟非登峯高令望下阪儼儀威地

世載堂詩待刪稿

十八一

靜人難老山深春所歸行遊君相偶看打杜鵑圍散老病不出門

子與彥和諸人遊山得雲飾杜鵑一叢
擔負杖頭散老曰爾輩打杜鵑圍歸也

贈胡小石光燁

江漢弦歌友橫流復幾人判詩催句力檢學動情真揚

髮文中子焚書亂後身萱園春葉茂譚舊慨吾親

投趙堯生先生照

岷上閑閑老高風領後賢久尊江漢學近望帝堯年吳

會言詩貌巴山稱面緣交遊從過迨未上起居箋

會奉松門叟言翁敬笑談亂離多劍外宗匠在天南賦

國清千丈風人集一龕江曹師友錄航度契同參

附贈詩

趙熙

病起桃花老懷人春草長詩來巴子國我亦楚人鄉

不佞先世本黃州籍

好古妨今士無家弔越疆夫君不世者高步

本文房

渝齋書事

違意來巴蜀荒齋且早春窺園今古樹典卷野君人患

難交都摯妻孥遠覺親何時東馬出下瀨二毛新

樊水船竿叟隨人據上游夔藩疲彼土蟠腹放吾州山

鳥昏投閣星花春近樓峽江雲雨晦勿問汝高邱

飛運天龍火居人日數驚坐衙山有洞禦寇甕為城移

世載堂詩待刪稿

室知郊樂垂樓祝霧生狙公唯充耳一話大江橫

仗鉞桓司馬還朝宰相逃軍容飛鷁羽府押載牛毛地
醜行無土民殘止亦勞幾回甘露變磔罪筆如刀

杜老詩千載於今更烈聞將軍不好武稚子總能文冰

塞藏龍氣春江斷雁雲投戎從筆將高論冠吾軍

貴妃生入蜀眉黛學香溪打鴨驚雌雉盤龍鬥錦雞火

州瓜尙貢廬阜洞誰棲得壓軍中寶城烏夜夜啼

士佞王陵母朝尊寡婦齊友軍丹塞北婺禍緣巴西風

氣桃花馬威權竹葉雞兒曹呼似我黑抹領蝓蟻

奇握丹書授興亡決一機信予圍屢合教汝口防肥講

性來明復留兵郡武威此間眞蜀樂旌旆馬頭飛

察舉標朝議時流寵坐隅有威維朽馬何物道眞緒發

願臣優學輸家婦執及過江名士態疏散入山圖

臥隱山城霧雙江亂裏身簡書僑楚治鄉黨汎巴人國

破都仍在官來市不仁西行端着便留歲附州民

青城常道觀別贈彭椿仙道長

登川涉山麓排郭內城青鬼界入仙界鬼城山有界碑一亭多一

亭宮花園宋瑞觀榻置彭經鐘鼓齋樓夜知更鳥最靈

木魚鳥
報更數

雪絡導峴崙蟠城帝隩尊神仙開洞府樓觀對江源傑

世載堂詩待刪稿

閣崖蹠掌層階澗插根豆房親道論彭祖有兒孫

繚院循昏磴清涼上有天白雲無意水白雲溪在觀側玉樹不知

年聖兩鴉明壑山有白鴉樵音麝化仙山有香麝志載化女環樞青捧座結

寶歲星蓮

六時泉上碣歷歷滴開元銀杏星生井筭櫻樹塞門師

來天瞰洞怪走石離魂六時泉唐敕碣銀杏筭樓三島石皆古神物何物仙凡路尋

常道有言

藤牆二二兩里梨酒半雙瓢崖凸人行偃林卑果摘梢上

頭陰面壁一木忽橫橋縹緲天梯未岷江帶幾條

勝緣仙所眷香妙畫能聞妙香風過吹氣若蘭得聞兩度一雨溪聲至峯峯

各劃分楠寒宮背徑翠膩桐眉雲讚出天師像金鞭絢

彩文

六千君畫
像囑讚

趙翁題觀筆江令補詩圖

堯生先生早歲題
壁江如雲君補詩

飛赴皆清馭連

吟萬紙無龍浮雲頂畫豹語夜闌廚到地不成唾真君

風雅符

小李將軍許監茶彭道人

李君鐵樵善畫椿仙
師喜遊清談兩月

座中無一物

巖下與二三身勃率清烹理威儀倦禮神過橋塵內外談

笑在山真

罔吳山水橫幽語茂靈光

吳敬恆刻石判
青城天下幽

到眼皆神秀何心

定短長帝仁天亦老山靜水為忙二十六峯坐吾身一

世載堂詩待刪稿

二十一

道場

師意留二宿言歸歎道心映獅峯響遠石獅中空負殿柱吹之巖峯應響乳

鼠殿雲深殿有白銀鼠壯以龍蛇杖師贈蛇龍杖報之山水音春多小

紅葉來勿愛秋林

奉題禹生青城詩後

趙熙

井絡分明應翠微詩人來此扣巖扉杖頭拗取青城

色知向雲深載句歸

老我曾聽一杵鐘重遊先約洞天逢知君詩與山爭

秀上到江源第一峯

再題張目寒藏善子畫揚帆入峽

落筆無生虎還鄉上蜀灘舉家山水癖有弟鶴鶴歎雲
雨哀三峽江風破二難峯高人不見薦晝白魚寒

寄青城上清宮馮鍊師南煊

別師經一歲冥叩上清扉壇上麻姑睡山中紫燕飛雪
茶仙氣白池酒道心微梅發二三丰去騰空調是非

上清丹竈味甘苦丈人茶靈氣薰唐草仙馨補宋花事
君二三歲望寄我一封斜師瀾宮門月擔泉余磊霞

題朱鏡宙詠莪堂詩後

朱爲章太炎婿
詠莪太炎命名

變雅無親國夫君獨詠莪久分祠部俸不廢澗阿歌榜
額師名重宗鄉孝思多上梁文非惻愀上感龍過

世載堂詩待刪稿

風木懷明發，笙詩與世亡。補行先有廟，述德在斯堂。天下子爲教，山中家未忘。亂離廬墓遠，讀記倍悽愴。
壽左階平兄六十

兩家同入蜀，天上走南都。且奉吾鄉杖，當歌自壽圖。十年兄事長，三世古爲徒。風雨雞鳴夜，山樽喜老夫。

有女能專業，全翁信得天。甲星周運歲，癸食不羹年。傳注君家事，言文老輩傳。西行篤薑桂，順耳頰毛蜷。

但蔭孫席上，和尹默韻

飽食先生饌，溪樓酒一中。操刀故人子，流歎信天翁。茗雨花閒水，燈簷柏外風。深山春酌動，有味小兒同。

爲李總丞題其先烈將軍死節傳誌

不戰以身退當今報國風古時淮宿將大節李參戎生
死昭邊郡衣冠葬鬼雄江淮橫敵騎何史美遼東

海蓋非吾土將軍廟貌靈此身惟血碧到處有山青屬
母將明德留兒發甯馨讀君先烈傳蜀道雨其零

武昌得先人舊廬

漢柳垂垂發離鄉幾歲年行吟原上草歸服汶陽田啄
穀雀穿屋吹花絮定船先廬門巷在得賦遂初篇

徐克成源泉將軍母唐太夫人輓詞

賢母生名將遺黎唁使君慈雲江漢水孝筆瀧阡文教

世載堂詩待刪稿

二十三

子垂三德忘家領一軍哀榮南國化芻酒獻晨昕

上壽刊彤史哀辭動墨旌絲麻頒國誥金鼓啓佳城闕

德思鄉里天盈戒弟兄素車同白馬別具在官情

行嚴不寐成五律一首卽和

困臥那知兩山堂秋睡眞蟲聲清在夢樹氣曉如塵主

起時窺客天涼易醒人夜長君覓句不寐有詩神

哭胡翔冬

至性爲高詠江南怪得名笑談無俗物風義味平生門

教寒持骨司農折喪明青楓將落月故國罷哀聲

斯人天有命白眼死爲師自悅千筒酒長交一字詩巴

猿聽獨淚江鯽笑多姿地下松門叟逢君得所知

一死一生友高人見二胡翔冬蜀城秋已矣滇海淚于

須舊歲論詩貌餘年病食軀江東率犬客不再過黃墟

翔冬與黃季剛在雞鳴寺席上論詩怒翻盤餐胡捉黃黃迷翔冬歸言今日過黃墟上蔡公子率黃狗一次予笑曰君為胡亥并非季斯

哭余磊霞

教授隨師去翔冬師蓉城又一秋美才多短命老眼獨離

憂亂世無生理遺書有婦謀斯文余撰斯文雜誌風雨感刻意哭

高樓

蒲圻賀良璜自恩施惠所著轉蓬集卻寄

吾鄉風雅望避地不忘詩道遠虛聲問神來吐志持長

世載堂詩待刪稿

流巴子國高詠武昌師何日親詞面臨風酒一卮

留年都老暮況過亂離辰山郡千層樹江城幾歲春眼
穿書作耒腰折米爲身啓我追華卷施州白髮人

陳叔澄爲長子婚儀招鄂友集南岸寓廬陳曰路無草

木予曰君家自有蘭蕙

十步有芳草君家蘭蕙叢友于鴻雁水走也馬牛風客
况老多戲鄉音咻轉工江流秋漲落幾夜報巴童

果玲法師由峨眉報國寺寄詩一卷修函摯美未晤面

也報詩二首

臨江設尊酒酌燭對君詩千里流山月一秋待雨池推

敲香得妙談笑水爲期古寺老梅發寒林懷我師

高詠峨眉雪名山領一僧報書交有道德遇似無能禪

意肱三折風詩法上乘曹公續天際去誰會佛龕燈燭

靈自江州歸院

刷馬下江洲楓蘆水國秋長刀歸幕下響笛聽桁頭壓

酒新豐市傷花故驛樓使君臺省彥隱夜無嗽嗽

喜友人自河湟還秣陵

入門人馬健行色塞垣風千里黃河曲三山白下東南

飛星月鵲北顧雪霜鴻歸飲中冷水煩君酌一筒

謁浣花草堂

世載堂詩待刪稿

野渡人三兩行遊錦水春浣花溪上宅空憶杜陵人搖
落高詩貌嗟予避地身風流情萬古江漢一儒巾

題嘉陵江村卽事

村幕黃金箔江搖碧玉籃書長綃白坐花好費紅談當
席山邀綠盈簷陌采藍青菘澆赤米野味紫羅菴

答行嚴見贈之作

門對南山霧堂分北郭陰江波千頃度春色五湖心懶
病艱行藥高名應在林梅花吹笛夢竹外寄知音

將有國戰戴季陶獨留匡山來蘆屏山舍長談

不用蘆中策艱難向國門秋風一長望陵谷有朝昏匡

俗斯文尙推官我佛尊林居高寂意危對默無言

答高一適

言詩冰冷格廣斥陋軒人今代東臺彥高風北牖春逢
原忘苦語常侍遞聞身臨路君何適揚吟遠海塵

散原老人辛未年詩評

樹骨堅瘦傳響沉澁其苦吟孤往日爲胎姚賈而挹四
靈可也 辛未秋日散原老人一二立讀

句奇語重風骨峻嶒 一二立讀

散原老人壬申年詩評

錢刻瘦硬奇骨聳出冥造孤詣擅姚賈而參錢劉 壬

世載堂詩待刪稿

二十六

申伏日三立讀

奧雅有名貴之氣三立

閑靜幽窈神骨不凡三立

受業李以祉校

世載堂詩待刪稿

武昌劉成畏學

七絕一百七十九首

題梁節菴師菱湖種樹圖

髯師桃李種多門今見菱堂節後孫世變已無湖上樹

江城君子幾人存

師題兩湖講堂柱有燕柳最相思憶別修門三十載楚材必有用教成君子六千人題武昌府署食魚齋門有

零落雨中花舊夢驚回樓鳳宅網繆天下事壯懷消盡食魚齋楚諸生合成一聯黏院柱云君子一無成人來梁上修門何所憶鳳去樓空

杞梓梗楠未易尋斧斤松柏果何心西門長養閑花草

楊柳東風何處陰

師闢西堂斬伐地上松柏武崗鄧保之師時辭去兩湖理學掌教曰斧斤松柏長養桃李知節菴教學意旨矣

聽雨闌干再夢春長廊酒醒落秋塵斜陽知共桃花盡

世載堂詩待刪稿

留意西亭嫁樹人

種春招履碧心堂草木今詩秀院牆晚節梅花吹有淚

行宮朝露畫葵霜

師題西監督堂曰碧心堂南皮督學楚北有鄂中草木詩十二詠師種樹菱湖為今草木詩十餘詠奉祀德陵

易名
葵霜

裝點書堂十載心交枝杏竹有歸禽牆陰斷葉無尋處

一夜湖痕與淚深

飄籤林下綠雙鬢水榭談經鬧盛名師友不堪如此樹

濡條今泫老諸生

登堂講經史百家之學予年弱冠補調湖院專經日程習三傳南皮改書院制諸生多老輩不悅合肥

禮卿為東監督梁為西監督一日講文王受命梁兩監督用武書院停講一年汪宗沂先生笑曰兩湖講經今講血湖經矣

題朱姬影事冊子為陳冰白悼亡作

邂逅芳緣過亂年嘉陵江碧玉生烟空山春到人難再
悵索梅花獨泫然

白頭吟不到朱陳湯藥經年有鼈脣料理山樓秋去病
黃花瘦盡捲簾人

化龍橋過尙聞簫神女吹雲想暮朝到死春蠶絲嚼爛
只留紅唾引冰綃

影事斜書烏格絲臨文不似比紅兒長情能默陳驚坐
想見悽燈作記時

春盡日東園柳

輕陰淡絮滿城闌花落高樓不見人歲歲東園一株柳

世載堂詩待刪稿

幾人相識去來春

彭醇士見詩曰古有題畫詩予則作題詩畫其神妙在

燕子一雙予曰此君之頰上二毫也卽題畫尾

東園花落柳方絲悄見高樓弄筆時妙到飛來雙燕子

只君解識惜春詩

尹默次黃右公詩柘葉肥時看養蠶韻和詩二首眷念

故土卽東坡蠶市光陰非故國也次韻呈尹默

年年三月初二蠶市光陰趁岸南桑柘自分春社影

卻教瘦沈憶吳蠶

靈蟲上箔食眠二舊國湖桑愛水南恰似吳興蘇刺史

兒時曾賽柘園蠶

題胡玉齋六十談往

開國驅胡獨起兵當年炮火滿江城手書二十年前事

白髮飄蕭胡母生

誰憑史冊美成功生死千年國士風只笑阿蒙安割據

項王原不籍江東

城郭雖隳霸氣長楚人絕決

晉書地理志楚人剽悍絕決

楚軍張今留都

督胡床月不照南樓在武昌

復仇九世義春秋突起孤軍江漢流艱苦亡秦楚二戶

反教豎子笑冠猴

世載堂詩待刪稿

壽覃理鳴六十東坡有戲壽趙郎中詩卽效其體

崔徽昔日白樓風記否覃懷老令公舊唱明年年六十
髯蘇曾戲趙郎中

藤床醉擊酒當歌五十九年君奈何白髮風流兩人在
爲君裝景學東坡

題永勝寺內壁

磬院敲殘讌集辭髡師都感鬢成絲花幡妙動當年語
只欠春風在故枝

戒房闕靜帳生塵梅竹交枝更悵神永勝寺修朱傅老
今來不見玉堂春

紅棉點面梵聲圓燕子桃花已化烟白齒朱顏蓮座句
懸牆猶署酉申年

小李將車寫洛神蔡中郎婦畫梅人珠江影事差堪問
醮酒齋壇一欠伸

題劉少嚴藏寒雲丙寅丁卯日記

中壘搜書稿獲珍卷中風度照麒麟盛時典讌詩流盡
神墨讎題有故人

世家興廢不須談落拓江湖是好男秀寫懷中棖觸意
建安才子褚河南

寅卯親書首尾年碑圖金石萬珠船應知中歲多家難

世載堂詩待刪稿

記事會無政一篇

衣冠古夢拜吾劉遺著精刊到相州風雨高樓皇二子
誰憐人物傳陳留

題會通一悼亡冊子

偕老初懷易遠遊老妻淚盡望夫舟生兒似父無滄海
留伴鰥人到白頭

家書驚報蜀山西夫婿年年怨鼓鞞今日秦淮芳草渡
玉簫聲過亦含悽

自題禹生四唱

聽松花甲侈閑談行卷鈔藏落木庵淚海桑塵傷幾變

老隨水草寄江南

移翻棋局半生餘囊劍歸來百不如料理此身長壽考
腹中留有未燒書

霜鬢窺春尙未翁捉花雕管漫隨風異辭不見荒亭史
開國名賢過眼中

八公草木晉家春風景河山手筆新萬里中原豪氣盡
江關歲晚作詩人

雷言午與吳中蕙風女士誓相偕老營金屋於聯怡里
與汪君書城連牆而居汪舊納吳孃多情一樹結子
纍纍綠陰兩家預垂佳兆索詩誌喜用補妝樓亦漢

世載堂詩待刪稿一

南韻事也

蕙風移裏蕙風詩既叟曾傳絕妙詞香草一章書小字
雷家儷語信當時

錦筵歡賦老來行盒子紅箋會定情大小忽雷弦索動
春風二月袞花名

汪倫桃水隔牆深楊柳分宜兩院陰樓巷年年歌杏雨
漢南燕子學吳音

江山看畫照雙身細馬馱來金屋春肇錫楚詞香一瓣
宣花神女弄珠人

蕭蕭閨曲願吳孃鬢影簫聲海燕堂自笑嵩陽劉伯壽

亡忘憂萱草滿廷芳

李商隱客調袁爽秋詩曰待購嵩陽吹笛婢應
傾北海作碑錢用宋劉几攜萱草芳草事

題吳湖帆及其夫人潘淑靜女士合撫宋畫梅花册子

丁酉王師同愈於卷頭題落枝綴玉四字湖帆淑靜合跋云乙亥十月偶見楊迷
禪四梅花卷擬其筆法作橫斜小景一節配移傲湯叔木筆法乙亥冬潘淑靜

四梅讀書畫名潘叟甥筆藏眞賜婦家一樹因緣傳宋本

神來對案喜生花

補之氣韻閑齋色撫出君家粉格裝鑄室歐梅迴古意

二梅今儷四歐堂

湖帆藏宋拓帖四種遐庵題曰
四歐堂室懸梅畫亦名嶼梅室

並壽花窗院本臨枝頭綠鳥報吳音人間清福雙修慧

數點春融天地心

冒廣生同題

世載堂詩待刪稿

宋本傳家有喜神一雙筠管各生春前身甥舅今夫
婦都與梅花種夙因

曾為心蘭賦四梅白頭已盡醴陵才

十三年前亡友金心蘭有傲楊補之四梅卷予

曾題尋常粉本休輕擬賜出先朝御手來

叔雅原本光緒間御賜吳縣潘文勤

文勤湖帆
婦家也

葉遐庵訪古吳門得賈秋壑花下琴聲刻石一片右署

半閑堂題八百年前南宋物也即題四絕

遐菴倅古狩吳門八百餘年宋石存今日秋蟲淒葛嶺
恍留花下想琴尊

南朝君相專風雅刻石題名事等閑無計喪師閒半日

勝他不戰讓河山

雨窗蘭韻相師居片石留徵半壁餘寫事木棉花下客
傷心寶錄閨燈書

文人遊博能亡宋開國何來識字官作相渾和矜歎後
亦留書法世賢觀

拙翁示今歲花徑惜花詩補行花襖卽奉和

桃花吹盡過清明雪後春來不放晴折補老人修襖約
五年都負大林行

長慶風懷韻迹陳櫻桃楊柳洛中春千年徑樹花如雪

不見扶桃待月人

白傅在江州有姬待月遊山看
花攜之見意風移廬山記失載

世載堂詩待刪稿

金銀山氣透陽關未到花時事已刪
領會山神風雨意免招冠蓋大遊山

下方花信風三月山上春歸四月遲
今歲還山傷變雅緋桃先客下繁枝

拙翁短俊吾州李白社靈光老暮春
悵說松門山寂寂

獨留八十算花人

拙翁每對松門山樓有散原老人今昔之感

題樸園書藏圖卷

四世藏書重岳池十言鐫玉繫遺思
南都寶貴非文字

愧對君家賦黍離

岳池陳氏藏書始於孫國先生以佩玉精鑄選書與孫子子孫必能讀十字

閣師范氏房分鑰珍笑蘇園金滿篇
書卷長留子孫讀

不隨陌宋泛蓬瀛 天一閣藏書歷三百年各房親持一編羣到方開書廚故能久傳宜都楊守敬鄰蘇園自日本歸刻留珍譜多

得日本宋元本每書標識價值故其子孫能加價售盡鄂鄉人謂蘇州名儒陳詩教子藏書書不散失可謂黃金滿籬不如一經宜都楊氏藏書教子書標價格可

謂黃經滿籬不如一金

靈木陰陰護澗阿先人傳是只書多文孫世守鈐行佩

獨坐秋根自放歌 樹棠先生有樸園書藏放歌

西川舊藏述箋園樸葉標籤祖德尊家世射洪陳伯玉

高曾傳業到諸孫 樸園書藏有八十年老樸一株

明清萬集吾家物難共陳翁說保存零落百年君子澤

虛樓惆悵望松門 吾家三百年藏明清集部幾萬種久欲構萬集室藏之大半皆當時交遊投贈之原刻本分儲南京武昌廬山

在匡廬者最名貴陳散原世人居匡廬松門別墅經批閱者凡千餘種又清代傳技朝放殿試卷二十餘大樞亦歷代所存儲足供府縣氏族譜誌之考證王培生徐積

世載堂詩待刪稿

餘葉遐裔皆歎爲至寶吳侍郎郁生求其先人狀元吳鵬恩殿試卷盧冀野前因洪
榜兵燹家譜蕩然求其曾祖諱途公學使拔貢鄉會試行卷由履歷以證家譜均於
吾家得之今皆燬於亂兵
散原老人有靈亦當喟然

題宴濟原畫雙蓮蓬

東坡戲說雙荷葉一一美風流有賞音褪盡花身成並蒂

累累結子見蓬心

白露節寄題張聿生行卷兼呈趙迺光牟貢三二公及

播南諸友

感師吳客說章門邂逅離亭酒一尊拋卻江南好風景

來依名輩舊王孫

張自稱章
太炎弟子

一閣藏書錄柘籬故居鄰涉李申耆流人賃廡遵城角

爨下囊經事趙岐

黔中行邁信湄潭黛掃山眉水委藍應接吳兒洲緒意

播州風土算江南

大小漫天蜀道難破江殘日急風湍故人半在青黔內

歸客懷秋白露團

哀蔡達生寡婦孤兒感賦

篋衣典盡報夫君零落孤鸞那忍聞迴憶蔡姬初嫁日

點裝芳草曳羅裙

到涉悠然世說嘲古風不貶贈締袍元台陌路憐孤女

著論誰當廣絕交

許俊人世英與達生非有舊也見而憐之葬其孤娶嫁其兒女世論高之

世載堂詩待刪稿

題程堅白大利花圖晏濟原作

大利花亦名洋菊花

杜陵曾美戎王子菊部今圖大利花面底丹黃枝湛綠
何時移別海西家

梨花如雪滿程門秀出酡顏一朶魂妝點宴家紅葉脚
濃春留補醉風園

唐祖培羲軒兄廿年未遇忽逢臨潼講舍笑談數日又
出陽關矣手示樊山詩墨屬題卽以爲別

吾鄉風雅樊山叟遺愛人猶說渭南行邁二秦感耆舊
祇留秀墨上詩龕

唐侯同履江關客更勸西行酒一尊示我行囊挑菜卷

神傷晚筆老雲門

附樊雲門原詩題挑菜卷二一首最晚年作也

撥雪挑來踏地菘味如蜜藕更肥濃朱門肉食無風味只作尋常菜把供

楫出無烟雪夜長地爐煨酒煖如湯莫嗟老婦無盤釘笑指灰中芋栗香

曾園元日重集呈履川先生拈得汾字

使君宴集唱河汾二妙臨風秀履裙亂裏新春多樂事
小園嘉樹向欣欣

迴龍抽說武昌汾不及曾家綠甕雲遙憶江南飛白雁

世載堂詩待刪稿

梅花寒笑酒人醺

流人聚散未離羣今歲書空有斷雲氣味老如僧退院
去年風雪渡臨汾

爲王之南題白海棠

其舅晏濟原作

退思園裏淡垂絲褪盡紅妝春一枝風雅西川無忌舅
點花留補少陵詩

題晏濟原梨花冊

一叢嫩玉豔生紗院落溶溶泛月華難忘春旗清麓酒

去年撇白趁梨花

戴亮吉居洛瀆寄所編鄭叔問外舅年譜及瀆鄉雜詠

題詞卻寄

磧落春流水木疏詠歸兄弟故鄉居眉箋橫案編詩譜
亂裏能傳外舅書

扁舟未訪戴家山秀句招人水一灣落筆蘇南舊詩客
風流不減在鄉關

登山採藥同歸蜀憶弟看雲久入吳老屋幾間初白意
舉家題詠水村圖

飢走夔巫山萬層天涯孤寂有家僧君詩比說江南好
乘興欲來一剪燈

題繆劍霜飛行甘涼歸蜀遊卷

世載堂詩待刪稿

蜀山看盡野茫茫
畫角殘陽古肅涼
秋氣高橫衝塞上
使君騰劍挾飛霜

東南望斷峽猿哀
西戒河山眼底來
飛上金峨理遊卷
故人天際識君回

奉題李印泉老兄荷戈入蜀兩集

中原氣盡獨歸田
愁見蘇臺墮紙鳶
一卷荷戈開國淚
老成心事重防邊

大雅何傷猪嘴關
老來入蜀記朝班
家鄉自有衣冠史

名節千年百足山

百足山在永昌縣越間爲明季遺臣復明社
總集會之所每歲不絕今史蹟存在尚多

錦帆南望泣秋墳
又話巴窗舊雨痕
回首縱橫天下士

漚麻牽犬出東門

入蜀集有贈詩云我是騰衝李麻子君為江夏劉麻哥回首吳門十年事太炎不見奈之何章太炎住蘇城錦

帆路生日大會太炎曰今日有一大紀念你們兩個麻子陪我照相太炎中座曰劉立我左他是麻哥李立我右他是麻子此種諧語傳誦南北太炎已矣二麻健在將

奈之何

太息江東日暮雲歸來誰識故將軍短衣匹馬劉賓客

詩酒隨君發願文

虢虞秦楚無朝暮附爵何曾位子男刀錯契丹盟石晉

册封金主論江南

新國開天江江海春揮鞭名輩更無人清聲留得章家鳳

獨寫流風叫九閩

當時名諺章門麟鳳並譽太炎為麟行嚴為鳳荷戈集行嚴序題

題梅花夢傳奇

世載堂詩待刪稿

翁筆蘇詩已化煙梅花留夢有奇緣吾鄉老輩風流本
不上江南擔子肩

明月風懷譜絳紗毗陵人採玉梅花多情相見張公子

太守傳詞唱永嘉梅花夢傳奇毗陵陳森作繆小山書目謂陳曾作品花寶鑑原稿為湖北枝江老輩張盛藻太守所藏守溫州

時教演全本其外孫鄧詩菴由金陵攜漁鄧家舊藏翁覃溪手批宋本蘇詩袁思亮百藝借閱焚於火

秦行雜詩

長路攀山車折輪人家何處不知門相逢豪客具雞黍

三宿瀟瀟風雨村行德陽山中車折投宿田家主人豪客也接待以禮得助車始出山

行盡秦關水野低論文賢宰典橋西陝南應接江南畫

綠稻花香過寶雞寶雞縣長師志貞詩文皆佳並有政聲

清遊相得張公子深入終南溪樹濃似坐西樵山頂閣

湖光含吐翠華峯

胡將軍宗南派處長張佛干君迎遊翠華峯峯頂有湖

學術百年風俗通斯民顛顛出羣雄素人儉魯為醇厚
不尚南方小慧風

東里王家北舍于農場種樹水通渠髯翁雙撫仙人掌

得意高曾有舊廬

在三原與王陸一同住于髯農場王于兩村相望于家故宅有雙仙人掌高數丈

北城茹老

卓庭欲立

中談言招飲張

文王陸

疾跨轅格麵廚

羊醢百歲明亭流歡憶三原

宴三原明德亭亭售百年老醋伴食格麵陝中所無

魯橋梨酒歇街東清麓春遊景不同綠想柳村紅夾岸

桃花流水有秦風

三原梨花酒產於魯橋在清麓山書院下舊多高僧今泉徑酒亦廢

世載堂詩待刪稿

嵯峨太華傲行眸高據秦陵土一邱逐鹿關中形勝改

始皇墓頂劃鴻溝陵中掘戰壕闊六七尺縱橫千里經始皇墓頂

周侯銘寶溫泉石思古華清水一池自刻將軍今字韻

循牆難覓宋唐碑臨潼馬校長得出土溫泉銘華清池多宋唐碑石經編將軍磨去刻紀戰碑焉撰文每句以今字為韻就碑圈

改

承恩那見玉蓮花賜浴春圖散落霞騰得鹿槽橫澗草

金牌當日繫楊家舊有玉刻楊妃出浴圖為武人搆去鹿槽尚橫澗中石質青玉長丈餘

曲向城南韋杜稱春畦亂水見何曾何將軍有山林在

俯視樊川屬少陵杜少陵祠在杜曲故何將軍山林也祠有雙五爪槐額書俯視樊川四字

榿花譚藝解經難卻暑寒風竹一竿名輩喪亡無雅謔

天書文字俗長安

一路德潤生著種花館試帖賦得多夏竹生寒起二句云一竿能卻暑况乃萬千竿時二酉山人張樹盛暑與潤

生長譚手持竹竿不釋路怪問之張曰此君詩一竿能卻暑也

厥田上上麥全枯只說山渠穀似珠朝士今時無鄭俠

流民誰繪北門圖

渭北赤地千里終南山望渠穀最豐盛朝官舉告為豐年之據不知流民死亡道路日數千百人

杜老秦詩美箭揚臨風玉樹萬千章他鄉無此凌霄木

細葉搖雲直兩行

陝中箭楊幹白直上雲霄綠葉細美他省所無杜詩所謂皎如玉樹臨風前兩行秦樹直也

雍州上賦廢桑麻灞滻揚塵已沒車刊木導流成水利

何須洋學問專家

灑堂漢幕老長裾外集多傳古古書拗體一人追老杜

論詩不獨冠清初

孫枝蔚豹人灑堂集為清代秦詩之冠

世載堂詩待刪稿

豐川江漢掌絃歌二曲傳徒鄂士多晚近藍田牛氏兆

夢沒更無洛學奉關河豐川先生王心敬為李二曲入室弟子主講江漢書院有江漢講學記近儒藍田牛夢周則專

治洛學廢無傳人

潛江詩派發黃湄朱莫名家競鼓旗風雅邵陽王又日

題襟漢上作官師王卿華清初任潛江縣尚風雅主持漢上詩社潛江莫大岸朱載震與黃湄最善

壯年黑景帶吳鉤訓古精微已白頭陋在碑林流寓巷

說經閒雅證紅樓景定成梅九居碑林著紅樓夢真諦索引不廢訓詁之學

古愚直接雙山派關洛流風實用尊者舊尙存秦士氣

九原可作表師門陝學自李二曲楊雙山以來專治實用之學與習齋相近劉古愚發揮光大陝中門徒篤守師說歲時致祭

莘農博雅萬珠船晴梵精深甲骨篇篤守今文扶萬叟

高年辛苦講經筵

景若莘農黨君晴梵張文扶
萬同講學臨潼多獲聞見

王文南居煥重名蘇臺詩酒笑開清華軒過我論長書

一卷雙桐送晚行

三原王文典章久往蘇臺詩酒結客臨行來讀
竟日以外舅延川李應華雙桐書屋集贈行

連村無寇路難行朝野何人不避兵大縣未晡鈴牡鑰

盡驅牛馬入南城

三原各大
縣所見

為政從來事願違知求民好得依歸英雄所見與人異
朝論何嘗有是非

唐時斗釀撤宮南回道人詩皮畫柑舊飲長安眠市上

酒家樓近八仙菴

八仙菴長安東關十方叢林也在唐
大明宮南章行巖後遊寄詩書事

厚遇吾鄉石鳳翔與辜仁延賓殊數禮當途久饒蒙仄古

世載堂詩待刪稿

臘潘汁東食樂家

景

西宿吳

建

行線都廬傀儡撞峴詞典雅變秦腔北元法韻南巡曲

燈影珠光扇子窗

陝西提線戲多崑詞變化
詳載黨晴梵華雲雜記

良吏文儒家世尊渭南通德過高門買田錦水樓傳是

士食先民有穀孫

渭南嚴樹森巡撫湖北許官文為鄂名宦胡文忠讀史
兵略半出其手談遊為清末名儒穀孫之父居成都孝

義家塾刻
書甚富

鐘樓寶頂換觚稜帥令提收諸帝陵銅器愴懷周太廟

金鵝出地盡飛騰

西安鐘樓頂渾金所製某軍帥陝以木質易之鳳翔施
西之靈山沖出銅器五百餘件地屬周代陵寢太廟先

為陝將黨玉崑所得某軍駐陝剿黨盡有銅
器輦赴京津售外人見黨晴梵華雲雜記

搜村全折祖先祠剖腹難逃襁褓兒家破人亡渾不管

將軍口號在攘夷

王審制飲討山泉蘊暑欣嘗花果圓刺野乾苞無玉黍

朝官猶告大豐年

長夏在臨潼多飲故人王寅谷審中

蘭閣彈指化人多裝線何書可晤訛著作都高游擊體

多行漢字詆東倭

西安時風尚白話文以用多畫漢字為戒

失羣二馬慶多馬老李撫神相廊稜金策一麾江海去

更無六馬汗昭陵

杜工部行次昭陵詩曰玉晨自舉石馬汗前趨據某神史安祿山寇潼關忽見一隊人馬自天而下交鋒不

多時安祿山大敗當日有人看見昭陵石馬皆大汗淋漓杜當指此宋敏求長安志云太宗所乘六駿石像在陵後青驪平寶建德時乘讚曰足輕電影神發天機策

茲飛練定我戎什伐赤平王世充寶建德時乘讚曰淵澗未靜斧鉞申威朱汗騁足青旂凱歸有中四箭處特勒驃平宋金剛時乘讚曰應策騰空承聲半漢入險摧

敵乘危濟難彌露紫平東都時乘讚曰紫鬣超逾骨騰神殿氣襲三川威凌八陣拳毛騮平劉黑闥時乘有邱行恭拔箭處讚曰月精按轡天剛橫行孤矢載戰氛埃廓

世載堂詩待刪稿

清有中三箭處白蹄烏平薛仁果時乘讚曰倚天劍長追風駿足聳譽平騰回鞍定蜀趙明誠金石錄云歐陽詢分書殷仲容書降王名附又云唐六馬讚初太宗以文德皇后之葬自爲文刻石于昭陵又琢石像平生征伐所乘六馬爲贊刻之皆歐陽詢八分書也或以爲殷仲容書非是至諸降將名氏乃仲容書耳游師雄題六駿圖碑文曰師雄舊見唐太宗六馬畫像世傳以爲闕立本文之筆十八學士爲之贊晚始得唐園陸記云唐太宗葬文德皇后於昭陵御製刻石文并六馬贊皆立於陵後勅歐陽詢書高宗總章二年詔殷仲容別題六馬贊于石座即知贊文乃太宗自作非天策學士所爲明矣歐陽詢書今不復見惟仲容之字仍原如寫白蹄烏贊云中薛仁果時乘由此益知唐史誤以果爲吳耳距陵北五里自山下往還四十里巖徑峭險欲登者難之因諭邑官做其石像帶箭之狀並邱行恭真塑於邑西門外太宗毀廷高卑縱約纖維尺寸毫髮不差以便往來觀覽者武功游師雄景叔題於京兆府三原于右任先生有昭陵石馬歌秦王百戰壹華夏詔起山陵九峻下陪陵諸將盡元功侍立名王爲降者從征六駿惠養難飛矢被體存者寡圖形勒石戟門前想見英雄與名馬嗟余垂老搜遺編去國十載方南旋盜賊兵火文物燬劫灰又到昭陵前陵中玉匣雖出土陵前石馬還留蹤氣吞三山颯露紫手拔統矢邱行恭黃質黑喙拳毛騮身中九箭傷如麻可憐千百載古刻將軍樹載酬豪家餘者青驪特勒標白蹄烏與什伐赤追風駿足多傷殘傷殘莫保尤足惜將軍戰敗東出關黃金駿骨購不還抱守殘缺圖書府罪移名物藏名山楊君老去丁君死拓石關中無名手懸金四訪莫敢膺龍種王孫懷膺起奔奔生氣毫釐見英姿颯爽猶酣戰似藥鏡吹耳生風如雷擊鼓血流汗當年控弦角力數十堆鷗鷗中原如奔電祗今失羣

翻回首復騰驤蟬翼鑽法開生面畫工可是右相閣殿歐名筆惜不見傷今弔古幾摩
 拳回首神京重聞風呀嘻陵前晚照紅復紅鳳翥龍翔騰閱宮太白山頭君休望龍
 煤一逝羣爲空英衛英靈呼欲起風雲會合連錢驄長驅鐵騎數十萬蹴踏大陸除
 羣雄嗚呼交得長驅數十萬蹴踏大陸除羣雄（自註）唐太宗葬昭陵在醴泉縣北
 九嵎山陵前石刻六馬名鳳露紫拳毛騮青騮特勒驪白踏烏什赤伐馬或作奔馳
 狀或安灣而立惟鳳露紫前刻邱行恭拔矢狀六馬刻石廣各八尺許石端留刻銘
 處約一方銘辭爲唐太宗所製然未刻諸石也六馬鞍具大類歐州近世形式馬鬣
 尾亦剪短如今日軍中介馴石刻突起約二寸許每石均有邊欄石工精勁生動絕
 好中世浮雕也昭陵六駿圖考載故實甚詳民國四年陸建章據陝竊筆鳳露紫拳
 毛騮二石出關餽路當道輾轉售運美國費勒特爾非亞博物院五年將餘四石置
 之陝西圖書館長安李月溪耀縣張木生場六馬大小摹擬爲圖極逼真詩中楊君
 若去丁君死楊君輔齋丁君輔仁皆關中拓石名手毛俊臣先生君子館文鈔有
 跋昭陵六駿縮本二則一爲柯萃農跋一爲王幼農跋跋語大略相同跋昭陵六駿
 縮本爲幼農昭陵六駿刻石舊在醴泉縣北五十里昭陵北闕下民國初年肇之省
 城其鳳露紫拳毛騮二石被人盜入美國博物院一見于右任詩註載夢碧四石言
 第一卷一餘四石現嵌國館書東廊下完全無缺按此石始末宋游景叔勝朝張山
 來說之甚詳惟打本從來未見以石刻深淺懸殊難施紙蠟故也同里李君月溪素
 通藝事因做推拓鐘鼎彝器之法變立體爲平面用油紙規其外節節推打打成與
 真形無異懷寧柯萃農亦擅此術兼能比例尺寸任意縮小之此本即萃農所拓原
 石計高八尺八寸強寬八尺七寸弱此本計高五寸八分強寬八寸七分弱縮小什

一不爽彙黍真奇
技也（李以社注）

奉題馮自由兄革命逸史二集並自題七十自傳暨

先總理舊德錄

七十老翁何所求肇開黨國記從頭亡人衰偃都衰朽

四海欣存一自由

李唐劉漢事千秋老病馮唐憶故邱創業同期王霸器

晚年負米下渝州

竹枝園會先生為諧語曰在坐大半帝王後裔禹生可名劉漢小園可名李唐友如只好名石晉我則吳大帝

也復指予曰自由其馮野王乎
學生界有李唐劉漢名本此

士循舊德服先疇名節誰推第一流今日自稱元老輩

幾人揮淚問潛鳩

結客椎秦國士風中和堂接會與中兩人棍扇今頭白

曾奉先生領致公

中和堂系中興會員尤烈主持多三合會及工界分子可稱與中會支派洪門三合會理事有洪棍紙扇草鞋

等職當時同志多種總理為先生而不名致公堂為美洲總機關予等聯絡旅美華僑首從致公堂入手

士夫密議復中原頑懦能聞汝我言豪傑九人端白履

開天神會竹枝園

民國前十年壬寅禹生與予倡連合中國士大夫由留學界入手首開秘密會於東京竹枝園飯館在座除

理外予與禹生程家樞李書城時功玖程明超吳炳樞劉蕃石志泉凡九人宴畢先生來臥龍館訪禹生納白履於房外同館知為先生一夜至徒有某元老在內

諧談今已無陳白歌哭人難見馬同實錄解修長短事

劉賓客與敬通馮

陳白即少白馬同節君武當時借禹生及予等倡言革命至友多為避路

太平戰史撰成編首序巍然署逸仙憶子細論文字禁

中山名未錫當年

禹生撰太平天國戰史總理為作序文署名逸仙當時總理有日本名曰中山樵故老友即以中山二字

世載堂詩待刪稿

相稱猶古人尊孔子曰尼山朱熹曰紫陽王夫之曰盤山其意相同今人乃以中山二字為犯諱可謂見解殊異

望門投宿宅仁之亡命何曾見細兒只有香菱賢國嫗

能飄白髮說微時

橫濱華僑郵船會社經理香山張能之亦名仁之與先總理有通家之好亡命食宿均主張宅總理眷屬

陳夫人瑞芬原名香菱亦曾寄寓張家陳夫人居日本越南新加坡恆為來往同志洗衣供食異常辛勤總理大得其助

君居東海我西海在外從亡十九年遠用高會規矩意

老垂國淚述遺篇

馮生於甲辰春赴美國主持舊金山大同日報向華僑大倡革命余時居日本任大同日報及香港中國日報

通信記者策應美洲南洋至民國前七年乙巳同盟會成立乃赴香港任中國日報社長

九年有半歲除乘騎驟名山山萬層著作刊成從此逝

不尋道士定為僧

馮生診太素脈及子平尚有十年壽命昔中江篤介翁著一年有半本此意騎驟者姚平仲騎驟入青城也

馮自由
注議

黔行雜詩

黔陽文酒友多賢主客嗟談永歷年醉認江南採蓮去

南明河上葉田田

轉徙西南據亂身發揚文獻感黔人遠哀江表存危學

遺集通刊鄭氏珍

黔人重學成風印黔南叢書六集
數百卷鄭子尹全書文獻月刊

朝陽村景秀黔西水野山橋信馬蹄尚論西庵狂杜牧

傷春傷別在花溪

舊友杜枕生花溪朝陽村
門對周西庵先生故居

黔山渺渺獨行春蕭瑟江關入戰塵耆舊靡憂今古變

南來如賦稷苗人

生死卅年賦大招縱橫豪氣尚凌霄老兵超海無成就

世載堂詩待刪稿

爾我胸中酒一消

老友凌雲家貴定席間憤談前事腦後尚留彈窩
二寸許長沙舉事時遭湯藥銘槍決死後復生

卷書蜷臥脊平頭長日讎經不下樓貴筑少年天下士

十年老學氣橫秋

老友平少璜剛為
省參議會議長

譚園新閣畫書廚魏廨長筵詩事圖難忘平州樽友會

花脚隨蝶載珍珠

譚石欽先生退居平越家有
蝴蝶戲珍珠二株他州所無

陽明學洞語嵩臺黔國修文聖運開儒釋大師明性地

處囚夷作馬房來

陽明學洞在修文安置張學良語嵩
大師洞在息烽西山編管楊虎臣

三江束口形三峽直下仙人葛鏡橋雅節通家劉氏婦

細圖山水上吳綃

故友劉尚清兒婦基炎之
室善畫亦住平越城中

賊中版籍護靈光播上斯文發塚藏搜得傳徒趙江漢

赤眉不毀鄭公鄉建義鄭子尹表弟趙迺光傳鄭氏學刊鄭氏至書共黨陷建義得趙尊為國書館長播州文獻賴以保全對子

口述
經過

白雲卓錫洞門秋御植雙楠侍坐樓賢宰風流君胄裔

燔林營造上銅頭建文南行見雲即止卓錫廣順白雲山觀廟燬建文全像只餘銅頭郎縣長捐資重修樓有雙檜云建文手植

縣志載明成化間巡按御史胡某長碑紀建文事甚詳勒石寺中

百黔轉運無舟楫富沃藏山不算貧勤儉苗夷堪寶貴

南樞通政在何人

父子營園苦用心百年水石廢城陰淮南移種松孤秀

曾見還鄉但翰林廣順有但明倫父子廢園街坊書父子翰林孤松獨秀但任淮南運使時移歸

一僧迎客翠眉低長寒風情妙品題踏月苗夷歌協律

世載堂詩待刪稿

淮裝別舞鳳頭雞

縣人呼尼為二僧有鳳頭雞族婦女綉整髻梳額前作鳳凰形銳眉峭卷尖像鳳嘴云係洪武時派遺駐防軍

橫家來
自鳳陽

青城山中贈張八先生大千八絕句

望坡匡上髯種梅醉想松風亭子開萬樹梅花萬坡影

麻姑灑掃過君來

上清宮麻姑池後橫崗巨最高峯下臨絕壁山志名望坡大千築三亭種梅萬本今髯遂影古髯應書東坡種

梅詩於壁東坡松風亭梅
花詩麻姑過君急灑掃

仙壇峯立上清班巖翠陰陰叩玉關畫裏洞天人不

萬梅花擁幾亭山

宮後峭壁人迹罕到大千芟荆通徑植梅編欄最勝處建三亭遊人便道不知其中別有佳洞天也大千築三

亭成以命名榜柱題跋屬予第一亭聯云青山見客初開障紅葉先秋一到亭跋云屋後青山秋前紅葉深深繡蝶穿映曲欄中坐久忘入神境第二亭聯曰種萬樹梅

亭上下坐千峯雨翠迴環跋云大千賞亭中蒼翠佳在雨後吟到千山白雪萬梅花句亭外香海時晴快意當到寒玉嶺背上同遊余嘉慶君謂上下迴環得亭內外之

妙第三亭聯云峯壑高吾杖江天近此樓跋云登樓一望江山
豁襟折上第一高峯盡胸重雲不必傷客心也命名當待來者

盡情花鳥媚仙家紅畫眉風白玉鴉莫笑逃秦人好事

山中難見太平花

與八兄談山中物產有紅畫眉白玉鴉朱燕若太平花
即瑞勝花移宋宮後今絕迹北京西山戒壇寺有百餘

環清恭王賜寺由故宮移植者寺僧不
甚寶貴土名洋茉莉大千將移歸山中

插城三十六芙蓉日射金花第一峯筆底雲來橫海氣

趙公燈接丈人鐘

上清佳境曰觀日出曰趙公神燈曰江原在日雪峯半
角其最奇處在雲海一白深黛趙公山明燈與丈人峯

鐘聲披雲霧相呼應
也大干將圖其境

麻姑池水天師洞玉女神君上下壇宮闕陰陽鸞虎狀

三丰名筆影仙宮

大千為上清宮畫麻姑像為
天師淵畫天師像皆神筆也

髯龍天上走崑崙雲海雪山一柱尊歸表峨眉金頂畫

世載堂詩待刪稿

二十一

青城遊屐亦兒孫大千遊峨眉月餘歸談奇境全在半山以上贈予峨眉金頂畫一幅

山樹紅時未早秋 一枝斜照晏公樓 見人蛺蝶衣如繡

勸畫春情在葉頭內江晏濟原君初從大千學畫後遊東京入大學獲學士位歸棄人事潛心大絲近隨張髯居山中研畫亦奇

士也聚蛺蝶數百種及未秋紅葉狀寫
盈筐留宿晏棲贈蛺蝶紅葉圖為別

棲家心笑碧山賢 萬里橫風水墨天 鷄犬聲來紅葉裏

雲中張老是神仙

大千先生攜家居青城上 青宮經年招予來遊留宿

旬日剪燭共話如坐天上 綜舉談事成八絕句即以

為別古人曰看山當未老 撲蝶是何年 迴首山中為

之黯然 已卯秋七月武昌劉成禹手記

冒孝容舒溼世兄撰董小宛劇本走索題詞雜書故事
成詩二十首

會散蓮臺國化烟驚鴻難照影翩翩如皋射雉佳公子
空憶梅花二十年

冒家父子風情甚鶴乘足徵水繪園二百年前家國恨
歌頭傳淚到諸孫

燕子桃花恨未消峴官都解說南朝無人敢白清凉佛
雜事何嘗記板稿

度語梅村讚佛詩巢民影事至今疑年華老大非人偶
孺子安知白首期

世載堂詩待刪稿

裏頭盲婦唱春華手帕姻緣盡舊家會領勾欄方長老
桃花無淚扣梅花

往事清淮比得無新聲十錯唱留都念家山錯淋鈴曲
錯得佳人憶故夫

蕩子行嘲老不僧董糖羨酒換金陵胭脂裝點珠樓水
畫刻名園周寶鏡

種梅人去不同龕故國園亭只舊盒莫作高家兵馬怨
鱸魚時節尙江南

一月花筵鈔庫街春檠盒子會秦淮舊京法曲河房脚
說郎君絕串排

世界羣龍見首時。余甚愛之。

嚴又陵哲學大家。人多知之。至其詩才之淵懿。或罕知者。余記其戊戌八月感事一首云。求治翻爲罪。明時誤愛才。伏尸名士賤。稱疾詔書哀。燕市天如晦。天南雨又來。臨河鳴犢歎。莫遣寸心灰。又綠珠詞一首云。情重身難主。淒涼石季倫。明珠三百琲。空換墜樓人。蓋哭林晚翠也。

康南海之第二女公子同璧。學精史籍。深通英文。去年孑身獨行。省親於印度。以十九歲之妙齡弱質。凌數千里之莽濤瘴霧。亦可謂虎父無犬子也。近得其寄詩二章。自跋云。侍大人遊舍衛祇林。壞殿頽垣。佛法已劫。然支那女士來游者。同璧爲第一人矣。詩云。舍衛山河歷劫塵。布金壞殿數三巡。若論女士西游者。我是支那第一人。靈鷲高峯照暮霞。淒迷塔樹萬人家。恆河落日滔滔盡。祇樹雷音付落花。

高平子以所著平等閣筆記見寄。記述兩年來都中近事。字字令人刺心怵目。中一條。其事甚韻。而其人甚奇者。讀之亦可見中國女權消息之一斑也。錄其全文如下。『庚子仲冬。由日本西京偕日友數人乘玄海丸返國。便途得游朝鮮及關東關外。

諸地。兩雪載途。寒風砭骨。哀鴻遍野。春燕無歸。觸目心傷。夢魂鬱悒。余有詩云。關山一任誰家物。觸眼吾民百感傷。雪漫長空風滿地。汽車載夢過遼陽。一日薄暮將投逆旅。適一女子。姿容倩雅。妝服澹素。冷月凝暉。寒山蹙翠。攜一姥一僕。匆匆更望北發。余心訝之。入旅店中。見壁間題詩數首。墨痕未乾。字體秀逸。其一云。本是明珠自愛身。金鑪香擁翠裘輕。爲誰拋卻鄉關道。白雪蒼波無限程。其二云。明鏡紅顏減舊時。寒風似翦翦冰肌。傷心又是榆關路。處處風翻五色旗。其三云。無計能醒我國民。絲絲情淚搵紅巾。甘心異族欺凌慣。可有男兒憤不平。尚有一首。字體潦草。不能辨識。噫嘻。此何人也。問之逆旅主人。茫然不答。

希臘詩人荷馬。

舊譯作和美耳

古代第一文豪也。其詩篇爲今日考據希臘史者獨一無二

之秘本。每篇寥寥數千言。近世詩家如莎士比亞。彌兒敦。田尼遜等。其詩動亦數萬言。偉哉。勿論文藻。卽其氣魄固已奪人矣。中國事事落他人後。惟文學似差可頡頏西域。然長篇之詩。最傳誦者。惟杜之北征。韓之南山。宋人至稱爲日月爭光。然其精深盤鬱。雄偉博麗之氣。尙未足也。古詩孔雀東南飛一篇。千七百餘字。號稱古今第

314 七言六句 七言六句

燕巢已覆小朝廷放盡春燈草未青宮馬北行蛇祀罷

美人那用問飄零

前題董小宛劇本意有未盡觀演後綜合事蹟再書七

首

吳娃生小住桐橋學得魁官舊院簫妾寫新詞郎按譜

香光家法媚二挑小宛住蘇州半塘同橋來秦淮學簫於張魁官善畫梅精小楷辟疆少學畫於董玄宰小宛亦習畫書時謂董

家法在冒門

束帛箋箋酒一卮儷文長律媵哀辭過江澆墓吳茵次

愁載楓江本事詩吳茵次撰董少君哀辭併序一篇七律四首紀小宛死葬時地甚晰林蕙堂集及徐軌本事詩均著錄

少君離病感夫恩二月花阡葬玉魂若證鄂妃官樣姓

世載堂詩待刪稿

二十四

深宮那擬阻侯門

滿州民族誌董鄂氏為滿姓翻譯漢語非董氏小宛死葬於二月下旬

狂師談史善焚琴標舉奇聞苦用心獻得西施吳未沼

定謀誣陷顧亭林

黃季剛先生侃在大學清史講座謂小宛入宮實顧亭林主謀有獻西施詔吳之意稱獲確證匿不示人

蔡姬侍畫續禽魚典饒西厨妾不如復憶華亭聞鶴唳

移家誰寶舊鈔書

辟疆後納蔡姬亦善花卉禽魚治繕作樂歌不如畫小宛曾遊亂華亭攜手抄書以行蔡姬女蓮行見汪楫山

集聞

零落紅箋九載多解舒家難負青娥無瑕玉在梁鴻案

收拾梅花菊部歌

辟疆遺家難避匿遠出有權貴願解紛以小宛為辭小宛鬱怒嘔血死事解辟疆還家葬於花冢吳梅村墓門

深更阻侯門吳蘭次麻魂不逐梨雲去肯向巫山魅楚王意蓋指此劇本梅花歌架寒操什

迴雲四美表檀槽垂老銷情到此曹曲顧褚淵矜趙叟

好調雛鳳月兒高

秦怡楚雲楊徽劉琦四女角神情最佳趙堯生先生題
有題詞三章瓊萃絃子玉簫聲水給風流萬古情三百

年來石城曲社今誰薄緒淵生玉菴公號表國圖一病傷心死更賢調悵一聲河滿
子浪傳雙淚落君前埋董文成玉不如丹山老鳳一軒渠自憐嗷點統傳筆欲注褒

城董卓碑(褒城有卓所書碑) 甲申春日與馮生先生觀劇歸先生為談董小宛
軼事甚詳並續成詩七章以申其意社走筆記之用備觀覽夏口李以社記 前題

詞蕩子行條漢陽李雲田攝才女周寶鏡來金陵與薛蘊齋會蕪州顧黃公作者蕩
子行寶鏡居武昌胭脂山為小宛畫水繪胭脂圖餉以羨酒(江夏以紗羨名)小宛

報以自製董糖今江漢間汪玉
霞製董糖最著名以社又記

和胡小石聽鼓詞原韻

西來歌者舊南鄰單鼓十番一欠伸朝士戒聞興廢話

董孃彈說為何人

白點青峯水閣星曲高蜀道雨淋鈴座中望斷江南客

真走山城掩袂聽

世載堂詩待刪稿一

蕭蕭卻唱巴山雨故國何堪楚雨生解說江樓紅袖淚
餘音都寫斷腸聲

再和小石書董蓮枝鼓詞

白頭江令感秋詩棖觸渝樓好鼓詞聽說郎當天寶曲
典型猶見董蓮枝

挾瑟邯鄲問本師金弦皮鼓動哀辭冷淘亂奏星湯譜
話到江南淚盡時

夜雨秋鈴未忍聞秦淮法曲響巴雲婦人儘有家山恨
不慨興亡那識君

原唱

胡光煒

董蓮枝邯鄲人年三十餘擅長大鼓書秦淮水榭
早獲聲譽入蜀張書場於重慶江樓董娘詞鋒哀
豔動人說到聞鈴諸曲貫串南北大有故都興廢
之感柳生典型其未絕乎成聽鼓詞三絕時白華
邀同仲子確泉諸公往聽長女衡如新自成都至
巴蜀誰言若比鄰江樓邂逅乍眉伸君看急鼓淒弦
裏盡是亡家破國人

水閣秦淮燈萬星董孃秋老唱聞鈴郎當今日同爲
客夜雨千山忍淚聽

望鄉峽裏悲江令念亂橋邊遇柳生桑海徵歌莫辭

遠曲中猶有太平聲

題張秉三人家藏適園梅塢圖

排點名園客未還
潯溪悵念好家山
細州弄月張三影
柳閣茅亭水半灣

竹外無春畫角哀
適園會醉野樓臺
鴈鴣溪上飛香雪
記數梅根索塢來

青蔥玉樹張公子
整理庋藏守父心
板本叢殘書畫盡

那堪煮鶴又焚琴

適園叢書五百九十一本主人張蔥玉篤守父書亂後園破板亦焚園書兩竭為亂兵焚食

綠奔穿內水園居兩岸
人家綺閣疏無數
名橋船背過

一枝柔櫓是肩輿

南潯無車輿來往乘船名橋無數刻石最古雅

太湖石作繚園牆深柳分宜嘉業堂當日張四林屋盛

今懷喬木老梅香

劉承幹嘉業堂圖與張園並稱以太湖石作繚

行梅溪上十經秋老秉華樽感勝遊風景不殊圖畫裏
故家神物在渝州

范鐸傳鈔雜事詩簿入景物志當時穆梅看種二與土
只賸橫斜筆一枝

李葆初逝世七年矣楊伯廉購得遺畫四幅囑葆初老
友分題予得陳同甫詞寂寞憑高望遠向南樓一聲

歸雁一幅

吾州短李人琴渺遺筆寒生蜀道秋望斷一聲歸去雁

世載堂詩待刪稿一

二十七

武昌何處有南樓

春梅無寒香漫題

梅花雪門裏芳時歷盡嚴冬有態姿一到春來無骨氣
和風能變歲寒枝

題張聿光洪楊舉義圖

南朝七十年前史追撫西來老畫師旌旆旻旒齊奮發
重撫天國漢官儀

放鰻東海眼生桑往事南都一概懷劍外河山二萬里
何妨抱膝話洪楊

題劉母祝太夫人甘棠卜地圖

覺民葬母置園林
蒲圻賀良樸繪圖

甘棠坡上草離離母法吾宗茂孝儀慈惠長留南國慕
展圖如禮召公碑

感君廬墓戀松楸愧我離鄉十載遊何日龍岡同駐馬
白雲飛鳥望山樓

墓門風木水西灣撫軸懷親亂未還太息箕翁今宿草
不留畫眼看家山

亂離中爲陸丹林題丹林書屋圖時居匡山

爲寫秋山早入吳寒江老屋夜啼烏西風殘照音塵絕
猶醉丹林舊畫圖

鐘分漁火聯床夕月落書臺啜茗時秋在陸家名畫上

世載堂詩待刪稿

繁霜一夜染新枝

晚晴愛倚祭書龕
霜葉紛紛點客菴
同過亂離秋色裏
青山紅樹自江南

花紅二月猩楓色
緘寄山春襯絹胎
紅葉渾隨諸子散
錦鷓爲報故人來

讀書頭白玉屏灣
坐對秋林老醉顏
繞屋養楓二百樹
有如江水不歸山

受業李以祉枝